

DIALOGUS

DE

CONFICTU AMORIS DEI ET LINGUÆ DOLOSÆ

Auctore anonymo qui videtur sæculo XII floruisse.

(D. Bern. PEZIUS *Bibliotheca ascetica antiquo-nova*, Ratisbonæ, 1723, in-12, tom. I, p. 1; ex cod. ms. monasterii Wiblingensis ord. S. Bened.)

MONITUM.

Elegans hoc et scitum, pietatisque sensu plenum opusculum est, in quo ea omnia breviter proponuntur et diluantur quæ spiritus mundi et carnis hominibus iter salutis ac præsertim vitam religiosam arripere volentibus objicere consuevit. Nomen auctoris hactenus nulla arte detegere potui. Eum suisse ordinis Cisterciensis non immerito quia ex iis conjectet quæ paulo ante finem secundæ diei. Cum enim *Lingua dolosa* criminaretur cœnobitas quod *ut zizania jam excrevissent in mundo*, qui propter *vitia sua* prorsus sint fugiendi, quique mutaverint vestem sed non mentem, respondet auctor sub persona *Amoris Dei* in hunc modum: *Licet hæc ex parte vera sint, quæ commemorasti, quod de multis tecum sentio, de canitis dicere et assevere non audeo. Quamvis enim quidam nigredine vestium et vitiiorum sint fasciati, qui gloriantur se habere Regulam Benedicti, sed tamen magna ex parte jam corruerunt, et declinaverunt ad sectam Maledicti; non tamen ita penitus dejeci sunt in soveam vitiiorum, quin aliquos habeant, qui gemunt et dolent, quæ contra sanctissimam Regulam fieri vident. Tum subdit: Videre etiam potes quosdam inter eos qui habitu se ab istis distinxerunt, et aliquantulum se ordinis acris astringunt. Quæ postrema verba, ni valde fallor, ordinem Cisterciensem respiciunt, in quo vestibus atris cum albis ab anno Domini circiter 1103 permutatis, monasticæ disciplinae, quam auctor laudat, vigor restoruit. Denique cum dubitari nequeat, Dialogi auctorem monachum fuisse, vix crediderim eum *Lingua dolosa* tantum in Benedictinos concessurum fuisse, si ipse Benedictinus fuisset. Opusculum hoc ex celebris monasterii Wiblingensis prope Ulmam codice ms. mecum communicavit adm. R. D. P. Cœlestinus Mayr, ejusdem loci asceta et bibliothecarius, amicus noster longe diligentissimus.*

INCIPIT CONFLICTUS AMORIS DEI ET LINGUÆ DOLOSÆ.

DIES PRIMUS.

De strepitu linguæ dolosæ, quot et quantis modis nunc senes, nunc juvenes, nunc viros, nunc feminas, et, ut breviter dicamus, omnem sexum, omnem ætatem impedit, et qualiter omnem professionem inficiat, qui potest, evolrat. Nostræ parvitati ad præsens sufficiat, ut saltem de rudibus in proposito pauca loquamur. Cur autem prosopopœia utamur, majoribus judicium relinquamus. Ipsi enim experientia neverunt, quod varietas locutionis tollit fastidium veritatis. Porro in quibus mundum calcantem, cœlesti desiderio flagrantem, quot et quantos huic laqueos pretendit, quot modis, quot versutiis hunc seducere, irretire, et a religionis proposito conatur avertere, quis sufficit estimare, quis valet explicare? Salomonis autem verba convertendis solatio esse possunt, qui ait, quod *frustra jacitur rete ante oculos pennarorum*. Qui enim jam gerunt religionis

A propositum, si penna cœlestis amoris aqua alta se sus-penderint, quis eis nocere prævalebit? Si enim Deus pro eis, quis contra eos?

Persistere tamen *Lingua subdola* non cessat, et in hunc modum delicatis loquitur: Quid est, quod agis? labor est intolerabilis, quæ aggredi conaris; cessa, quæso, cessa; in conatibus tuis grandis est stultitia. Quod si in corde eorum *amor cœlestis* prævaluat, nonne *Linguam dolosam* frangunt piis responsionibus? Quomodo ergo huic primæ versutiæ respondent? Dicis quod labor sit intolerabilis, quæ aggredi nitor. Se'l hoc tibi considerandum, quod major est Dei mei benignitas, quam mea infirmitas; major prudentia medici, quam languor ægroti. Scio quidem aliquantulum esse in hac re difficultatis: novi etiam arctam esse viam, quæ dicit ad vitam, et paucos ingredi per eam. Sed si difficultas est odio habentibus; mira suavitas est, leve jugum Domini

amplectentibus. Novi quoque, quod via, qua itur ad A **Amor Dei :** Emptor est, qui videlicet a saeculi vanitate conversus relinquit temporalia, ut possideat eterna, cui in conversionis exordio id quod patitur, grave nimis videtur. Adhuc enim nova conversio pristinæ vitæ communismem habet. Sed cum recesserit, id est cum plenius ab amore mundi animum segregaverit, tunc gloriatur, quod magis in spiritualibus donis letatur, quam prius in carnali voluntate delectaretur.

Ad quod Lingua dolosa : Miror te dicere, quod Dei tui jugum leve sit, cum bonos tantis laboribus videamus agitari, venari, concuti atque turbari, ut non a labore ad quietem, sed a quiete ad laborem esse vocati videantur, ita, ut multis, ac miris modis vexatum se fore asserat, quem Dei tui studiosum cultorem libri tui clamant.

Ad quod Amor Dei : Superius dixeram tibi, unde nosse satis posses, quomodo Dei mei jugum leve sit. Quod autem specialiter de quodam Dei mei cultore loqueris, nescio, quem pulsas; nisi forte ad memoriam revocea illum, quem scimus de se veraciter dixisse, quod in carceribus, in plagis supra modum, in mortibus frequenter pericula pertulerit.

Ad quod Lingua dolosa : Ille est de quo dixi.

Cui Amor Dei : Si de ipso dixisti, qui tot et tantos labores pertulit, ut etiam tediosum sit commemorare, quod ille pro Deo meo voluit tolerare; conveniens tamen non est, ut sibi labores nimis graves fuerint, quos ex toto corde suscepit. Ipse namque in tribulationibus gloriantur, et cum in varias tribulationes incidisset, omne gaudium juxta apostoli sui verba existimat, et non tristis, sed quasi tristis erat, semper autem gaudens medullitus. Namque consideravi, quod non essent condignæ passiones hujus temporis ad futuram gloriam, quæ post hoc sibi, et omnibus Deum meum amantibus relvelanda foret (*Rom. viii*). In hac sæpe ille lætabatur, licet adhuc corruptibili corpore gravaretur.

Ad quod Lingua dolosa : Video multos etiam in ipso conversionis primordio tot ac tantis tentationibus vexari, commoveri, et angiti, ut malleant se nunquam boni operis aliquid inchoasse, quam in tanto labore hujus vitæ tempus transire.

Ad quod Amor Dei : Nullus athleta sine sudore coronatur. Fidelem Deum habeo, qui mihi in temptationum fluctibus fortissima est anchora, nec patienter me tentari supra id quod possum, sed faciet cum tentatione proventum, ut possim sustinere (*I Cor. x*). Salomon etiam solatium mihi est, per quod Deus meus solutus est.

Ad quod Lingua dolosa : Dic, quid ille tibi dixit? et unde tanto gaudio suffundaris?

Amor Dei : Malum est, dicit omnis emptor, et cum recesserit, laudabitur. Hæc sunt verba præfati Sapientis.

Ad quod Lingua dolosa : Quis est emptor, de quo loqueris?

Amor Dei : Nec lieet mihi sanctum dare canibus, nec margaritas spargere ante porcos (*Matth. vii*).

Cui Lingua dolosa : Si non propter me, saltem propter alios pande, quid dixeris.

Ad quod Amor Dei : Cum Deus meus propter perfidum Judam, Petrum et alios apostolos salubriter exhortatione non fraudaverit, in hoc tibi consentio.

Lingua dolosa : Dic ergo.

Amor Dei : Emptor est, qui videlicet a saeculi vanitate conversus relinquit temporalia, ut possideat eterna, cui in conversionis exordio id quod patitur, grave nimis videtur. Adhuc enim nova conversio pristinæ vitæ communismem habet. Sed cum recesserit, id est cum plenius ab amore mundi animum segregaverit, tunc gloriatur, quod magis in spiritualibus donis letatur, quam prius in carnali voluntate delectaretur.

Lingua dolosa : Jam fac quod consulgo. Si te delectat conversio, exspecta usque ad senectutem, cum Deum tuum noveris illos etiam denario remunrasse, qui vineam ejus undecima hora ingressi sunt, sicut illos, qui prima hora laborare coepierunt.

B Amor Dei : Modo perspicacius intueor, te quidem habere speciem consulendi, sed venenum deceptiōnis occultare, et sub dulcedine mellis porrigitur ac propinare amaritudinem fellis. Nam pestifera persuasione hortaris me senectutis tempus exspectare, cum Deus meus per Salomonem mihi dixerit, ut sui memor essem in tempore juventutis. Qui enī blandoquis sermonibus tuis aures accommodant, cum dixerint in corde suo: *Pax et securitas, tunc cępentinus eis superveniet interitus (I Thess. v)*. Hi uim mirum Dei mei verba et providas similitudines aut ignorant aut dissimulant. Nam dum paratos esse vellet dilectores suos ait: *Si Pater familias sciret, qua hora sur veniret, non sineret persodi domum suam (Matth. xxiv)*. Quid est autem, quod media nocte sponsus venire dicitur, cui virginum aliæ paratæ, aliæ imparatæ occurruunt, nisi quod dics judicii sic repente superveniet, ut prævideri non possit? Cur non attendo, quod idem Deus meus ait: *Vigilate, quia nescitis diem, neque horam (ibid.)*? Cum igitur morte nil sit certius, nil hora mortis incertius, semper ad Dei mei adventum paratus esse debeo, ut cum venerit, et per ægritudinis molestiam pulsaverit, confessim ei aperiam, id est ardenter et libenter suscipiam. Si scirem, quando mors imminaret, forsitan tuæ persuasiōni acquiescerem, ut aliud tempus voluptati, aliud poenitentiæ reservarem. Sed non placet mihi, ut Dei mei patientiam et misericordiam offendam, ut thesaurizem mihi iram in die

C revelationis justi judicii Dei mei. Scio enim, quod hi judicantur acerius, qui exspectantur diutius. Ipse quidem omni hora, omni tempore paratos nos esse voluit, qui sero, media nocte, galli cantu, et mane de habitaculo carnis animam evellit, quod diversis æstatibus evenire humano generi diligenter considerans cognoscit. Quod vero dicas undecima hora vineam ingressos denario non fraudari, magnum quidem solatium mihi esset. Sed hoc mihi terrorem inicit, quod ignoro, si tantum mihi spatium concedatur, ut usque ad præfataem horam perveniamus.

Qui enim poenitenti indulgentiam promisit, dissimilanti crastinum diem non sponspordit. Cur non consideras eos, qui vocati sunt mane, non exspectasse usque ad tertiam, et vocatos in tercia non exspe-

D revelationis justi judicii Dei mei. Scio enim, quod hi judicantur acerius, qui exspectantur diutius. Ipse quidem omni hora, omni tempore paratos nos esse voluit, qui sero, media nocte, galli cantu, et mane de habitaculo carnis animam evellit, quod diversis æstatibus evenire humano generi diligenter considerans cognoscit. Quod vero dicas undecima hora vineam ingressos denario non fraudari, magnum quidem solatium mihi esset. Sed hoc mihi terrorem inicit, quod ignoro, si tantum mihi spatium concedatur, ut usque ad præfataem horam perveniamus.

Qui enim poenitenti indulgentiam promisit, dissimilanti crastinum diem non sponspordit. Cur non consideras eos, qui vocati sunt mane, non exspectasse usque ad tertiam, et vocatos in tercia non exspe-

classe usque ad sextam, et vocatos in sexta et nona non exspectasse usque ad undecimam horam? Noluerunt utique tempus incertum exspectare. Volebant sibi præcavere, ne fuga eorum fieret hieme et Sabbato: ne tunc inciperent fugere cum jam non liceret eis pede boni operis ambulare; cum jam non esset tempus merendi, sed recipiendi.

Lingua dolosa: Quomodo tu solus salvare vis, cum multis non solum parva dignitate præditos, sed etiam regia potestate præcellos ad inferna migrasse innueris?

Amor Dei: Modo quasi una ex stultis mulieribus locuta es. Non minus ardebo, si cum multis ardebo. Non est hoc, quod dicis, sanum consilium, sed vanum solatium. Dic quæso, quid prodest mihi, si cum Alexandro magno, Herode, Nerone, ceterisque regibus Deum meum ignorantibus, in unum damnationis fasciculum colligabor?

Lingua dolosa: Si milte a conversione retraheret, solas hominum irrisiones metuere posses, ut aliquantulum exspectares.

Amor Dei: Crebro legimus tenerrimas puellas cum sæculo et sexum viciisse, ætatem moribus transcendisse, acerrimas pertulisse passiones: et cur ego recusem ferre irrisiones? Martyres Dei novi crebro substantia sua privari, falsis opprobriis obrui, flammis cremari, aquis immersi, lapidari, secari, bestiis objici, et omnia tormentorum genera perpeti. Minima sunt lacrymarum exempla, si solis justitiæ non recorder facta.

Lingua dolosa: Dic aliquid de sole illo.

Amor Dei: Sol iste a Judæis frequenter irridebatur. Deridebant enim eum, cum diceret puellam suscitandam mortuam non esse, sed dormire. Præsumperunt etiam ei quidam dicere: *Ave, Rex Judæorum* (*Joan. xix.*). Qui non solum Judæorum, sed et omnium hominum, imo et angelorum rex erat, hunc ironice regem appellare non formidabant. Quid autem de ipsis Pharisæis scriptum est, cum contra ipsorum avaritiam disputaret? Audi evangelistam dicentem: *Audientes autem hæc Pharisæi, qui erant avari, deridebant eum* (*Luc. xvi.*). In his omnibus non est aversus furor eorum; sed adhuc in cruce pendentii insultaverunt, et dixerunt: *Si rex Israel est, descendat nunc de cruce, et credimus ei.* Alios salvos fecit, se ipsum non potest salutem facere (*Math. xxvii.*). Confitebor ergo ipsum coram hominibus, ut ipse confiteatur me coram Patre suo.

Lingua dolosa: Cur ita diligenter intueris, quid fecerit, aut quid passus fuerit auctor tuus?

Amor Dei: Quia conor imitari sapientem.

Lingua dolosa: Quid de sapiente scriptum est?

Amor Dei: *Sapientis oculi in capite ejus* (*Eccl. iii.*)

Lingua dolosa: Quis hanc sententiam protulit?

Amor Dei: Sapientissimus Idida.

Lingua dolosa: Quis iste fuerit, ignoro.

Amor Dei: Ille fuit, de quo dixit quidam:

Omnipotens Idida poscenti dona Sophie

Annnit in tantum, naturæ rincat ut usum.

A *Lingua dolosa:* Non est mili curæ, quis fuerit. Hoc video et perpendo, quod cassa est hæc sententia. Ego enim multos stultos et sapientes vidi, quorum nullus oculos in ventre, aut alio membro habuit, sed omnes in capite

Amor Dei: Incassum reprehendis, quod non intelligis. In sacra Scriptura, quam Deus meus per ora dilectorum suorum nobis tradidit, multa vana et falsa videntur ignorantibus, quæ utilia esse videntur recte intelligentibus. Unde quidam propheta Dei mei, cum de rotis, id est duobus testamentis loqueretur, ait: *Statura erat rotis et altitudo, et horribilis aspectus* (*Ezech. 1.*).

Lingua dolosa: Multis verborum ambagibus me frustra fatigas. Nam cum debes evolvere, involvis, et ignotum per ignotum exponis.

Amor Dei: Gratior est fructus, quem spes productior edit. Ultero objectorum vilius est premium. Ego nondum exposui, quomodo *sapientis oculi in capite ejus*, sed testimonio propheticō tuam stultitiam confudi, cum dicerem, quod *statura erat rotis*, id est rectitudine inesset Scripturis.

Lingua dolosa: Quid est, quod dixisti præterea, quod *altitudo inesset rotis, et horribilis aspectus?*

C *Amor Dei:* In latitudine intelligitur cœlestis dulcedinis promissio, ut est illud: *Gaudium et lætitiam obtinebunt, fugiet dolor et gemitus* (*Isa xxxv.*); in horribili aspeçtu intellige comminationem perpetuæ poenæ, sicut dicitur de reprobis: *Vermis eorum non morietur, et ignis non extinguetur* (*Isa. lxvi.*). Ut autem breviter dicam, *oculi sapientis sunt in capite ejus*, quia incessanter intuetur, qualiter caput suum, id est Christus, ambulaverit. Qui enim dicit se in Christo manere, debet, quemadmodum ille ambulavit. et ipse ambulare (*I Joan. ii.*).

Lingua dolosa: Unum est quod valde me lætificat, qui in ore quorundam mulierum locum, et plenam requiem invenio.

Amor Dei: Sine hac die requiescere, et crastina die plenus tibi respondebo, cum per silentium hac nocte loquendi vires reparavero.

SECUNDUS DIES.

Amor Dei: Hesterna die, quadam pessima lætitia elata es, ubi dixisti te gaudere, quod in ore quorundam mulierum locum et plenam requiem invenieris. Dic ergo de hoc plenus.

Lingua dolosa: Recordare quomodo cepi Adam per Evans. Cepi etiam illum sapientissimum regem, ut suas mulierum ad idolatriam corrueret.

Amor Dei: Quis est rex ille?

Lingua dolosa: Ille est, cuius tu dicta laudas, sed facta ex parte reprobæ.

Amor Dei: Forsitan ambo poenitentiam egerunt?

Lingua dolosa: Si, ut arbitraris, isti poenitentiam egerunt, adhuc non defecerunt versutæ meæ, sed multorum saxeæ corda inclino per feminæ blandi-

menta, ut maternis interdum lacrymis quidam a con- A id est charitatem non habenti. Cur non intueris, versione retrahantur.

Amor Dei : Verum quidem est quod dicas. Sed sicut effeminati femineis fletibus cedunt, ita viri, hoc est virili mente prædicti viriliter eos contemnunt, et siccis oculis ad vexillum crucis evolant, mundum operibus immundum mundanis relinquunt, et parentibus et quibuslibet amicis divitiis, domo, patria, cibis laudioribus et omnibus hujusmodi rebus spretis ad servitium summi Regis se trans- ferunt.

Lingua dolosa : Si me viri ac feminæ interdum in hac re superant, in hoc valde gaudeo, quod per haereticos dilectos meos Ecclesiam, Dei tui sponsam, saepius conturbo.

Amor Dei : Super hac re tibi modo plenius res- B pondere nolo, sed breviter dico, quod Bei mei per- missione omnes haereses sint, ut qui probati sunt, manifesti fiant. Nam illi cœli luminaria, scilicet Ambrosius, Augustinus, Hieronymus tanto magis doctrinæ suæ radios sparserunt, quanto magis ab haereticis dotosis quæstionibus pulsati sunt, et præfatos dilectos tuos detexerunt, detectos confu- derunt, confusos sperni fecerunt.

Lingua dolosa : Superius de conversione quorum- dam loquebaris : quomodo ad alia subito digres- sus es?

Amor Dei : Respondi stultitiae tuæ, cum diceres te in rebus pessimis gavisam esse.

Lingua dolosa : Quoniam rursus de conversione C tibi loqui placet, dic, quæso, cur non consideras quosdam in aratum manum misisse, et retro asper- xisse, ideoque regno Dei tui aptos non esse.

Amor Dei : Breviter respondeo tibi : Video Judam cecidisse, ac in cœno vitiorum permansisse. Scio Petrum ter negasse, et fletibus culpam diluisse; respexit enim eum Dominus, et flevit amare (*Math. xxvi*).

Cultor et ante soli nunc tenet astra poli.

Lingua dolosa : Pensa diligentius, et vide multa jam esse genera conversorum, de quibus ego pleni- us loqui dedignor ; sed in tria genera eos divido, scilicet eremitas, cœnobitas, et inclusos, ut brevi- ter ostendam omnes confusione dignos esse.

Amor Dei : Tace, quæso, tace.

Desine grande loqui, frangit Deus omne superbum. Hæc confusio in caput tuum redundabit.

Lingua dolosa : Eremitarum consortium, ut nosti, prorsus est vitandum, et eorum vita contemptui est habenda. Sunt enim in solitudine, quam Salomon te docuit desplicere, cum diceret : *Melius est duos simul esse quam unum. Habent enim emolumentum societatis suæ. Unus si ceciderit, ab altero fulcietur. Væ soli, quia si ceciderit, non habet sublevantem* (*Ecli. iv*).

Amor Dei : Illum solum dico, qui tantum quærerit, quæ sua sunt, non quæ Jesu Christi (*Phil. ii*) ; qui si mille sit stipatus, tamen bene dicitur solus, quia a dilectione fraterna est alienus. Væ igitur soli huic,

quod Deus meus, qui pro salute humani generis in mundum venit, interdum hominum consortium de- clinavit, desertum subiit, cum bestiis habitavit ? Si contemnis exempla virorum sanctissimorum, qui latuerunt in desertis locis, etiam præfatum spernis exemplum. Solitudo tibi videtur spernenda propter prædicta Salomonis verba ? Attende diligenter, quod idem Salomon dixerit, ubi opportunum et saluberrimum mihi consilium de solitudine dedit.

Lingua dolosa : Quid dixit ?

Amor Dei : *Melius est sedere in angulo domatis, quam cum muliere litigiosa in domo plena* (*Prov. xxv*).

Lingua dolosa : Dic, quis sit *angulus domatis*.

Amor Dei : Angulus domatis est vita religiosa, ab omni sæculari actione remota.

Lingua dolosa : Quæ est mulier *litigiosa* ?

Amor Dei : *Mulier litigiosa* est hujus sæculi actionis turbulentia, quæ amatoribus suis incessanter movet jurgia, scandala seminat, immittit litem, dividit unitatem, pacem violat, amicitiam dissipat, eosque nec in semeptisis quiescere sinit, nec in fraterna dilectione connexos esse permittit.

Lingua dolosa : Postquam respondisti mihi q[uod] eremitis, dic quid tibi videatur de inclusis, de quibus hoc assero, quod vanissima sit eorum vita, quos amor Dei tui non ligat, sed parietes coar- ctant.

Amor Dei : Cum diligenter attendo, video quod stultitiae tuæ nullum modum imponis. Dicis enim quod inclusos parietes coarctant, sed Dei mei amor non ligat. Cur sibi subtraxerunt communem hujus vitæ qualemcumque libertatem, nisi ut celestem consequerentur dulcedinem ? A communi colloca- tione hominum se non coercerent, nisi ut Deo meo liberius vacarent. Quod si quidam illorum hypocri- sin intra se contegunt, non tamen de cunctis sen- tiendum est, quod de quibusdam, et in quibusdam sinistrum fore cognoscitur et deprehenditur, quo- rum Sabbatha hostes vident et derident ; quamvis enim quiescant a pravo opere, non tamen quiescunt a pravo cogitatione. Alii vero sanctum habent Sab- batum, qui vacant et vident, quoniam Deus est, et non solum a perverso quiescunt opere, sed etiam, quantum possunt, quiescunt a vana meditatione. Quibus juxta vaticinium Isaïæ erit mensis ex mense, et Sabbathum ex Sabbatho (*Isai. lxvi*).

Lingua dolosa : Quid est hoc quod modo dixisti ?

Amor Dei : In mense perfectio dierum est, et per eum in hoc loco intelligitur perfectio operum : Sab- batum autem in hoc loco sanctam requiem designat. Qui ergo in hoc sæculo perfectionem habent operis, post hoc habebunt perfectionem sanctæ retributio- nis, et qui nunc quiescunt a perverso opere cuius cordis puritate, postea ab omni mentis et corporis labore requiescent in æternitate, et post Sabbathum spei habebunt Sabbathum requieci.

Lingua dolosa : Cum eremitis et inclusis propter

Ipsorum paucitatem modo non libet mihi protegere **A** sermōnem : sed vēniā ad cœnobitas, qui ut zizania jam exereverunt in mundo, qui propter vitia sua prorsus sunt fugiendi. Mutaverunt enim vestem, sed non mentem.

Amor Dei : Licet hæc ex parte vera sint, quæ commemorasti, quod de multis tecum sentio, de cunctis dicere et asserere non audeo. Quamvis enim quidam nigredine vestium et vitiorum sint fuscati, qui gloriantur se habere Regulam Benedicti, sed tamen magna ex parte jam corruerunt, et declinaverunt ad sectam Maledicti ; non tamen ita penitus dejecti sunt in foveam vitiorum, quin aliquos habent, qui gemunt et dolent, quæ contra sanctissimam Regulan fieri vident. Videre etiam potes quosdam inter eos, qui habitu se ab istis distinxerunt, et aliquantulum se Ordini acris astringunt.

Lingua dolosa : Ego nullum claustralium salvandum esse duco, nec ab invicem aliquos distinguo. Scilicet tot vitiis eos subjacere video, quod in unum damnationis fasciculum omnes distinguo.

Amor Dei : Prīus te ut stultam loqui asserui ; nunc cūtem cerno, quod in manifestam insaniam proruisti. Unde satis etiam commotus sum, ita ut præ commotione mentis meæ tibi modo respondere nequeam. Sed crastina die stultitiam tuam, Deo meo favente, confundam.

TERTIUS DIES.

Lingua dolosa : Cum sero superior a te abscesssem ; ita os tuum oppilaveram, ut quod dicere posses, non haberes, sed confusione grandi te perfusum vidisti, ideoque miserabiliter obmutuisti.

Amor Dei : Non ut arbitraris, a me sequestrata es superior sed deterior. Nam cum viderem te ad manifestam insaniam excitatam, nolui verba sancta effundere, sed tranquillæ menti infundere. Quidquid enim, quantumlibet rectum sit, menti furore ebriæ dicitur, perversum tamen esse videtur. Ad respondentem tibi non me impedit inopia, sed copia. Tot mihi quippe exempla suffragantur, ut ambigam, quid ex his eligam, quodve prætermittam. Si enim superius Martinum, Antonium, Benedictum Columbanum, Gregorium, Paphnutium objecisset, quid dicis de sanctissimis apostolis, in quorum tempore multitudinis credentium erat cor unum et anima una (*Act. iv*), nec quisquam eorum ex his, quæ possidebat, aliquid suum esse dicebat ?

Lingua dolosa : Tunc forsitan jocando et ludendo dixi nullum claustralē salvari ; sed modo majori gravitate locutura sum, ita ut verba mea magni ponderis sint, nec ab aliquo reprobari possint. Audi ergo fidele consilium meum, quo te munio. Conforta cor et corpus tuum cibis lautioribus in sæculo, quod facere non potes in cœnobia.

Amor Dei : Audio Deum meum dicentem : *Attende, ne graventur corda vestra in crapula, et ebrietate* (*Luc. xxi*). Nec Apostoli sui sperno dicta, ubi ait : *Optimum est, grātia stabilire cor, non in escis, quæ non profuerunt arbulantibus in eis* (*Hebr. xiii*).

A Lingua dolosa : Cur igitur sit idem Apostolus Dei tui cuidam discipulo : *Modico vino utere propter stomachum, et frequentes tuas infirmitates?* (*1 Tim. v*).

Amor Dei : Non recuso uti vino ; sed diligenter considero temperamentum illud salubre, quod ille præmisit, ubi non ait discipulum suum debere uti vino multo, sed *modico*. Perfectius tamen est, si fieri potest infirmitate non urgente, et si meæ potestatis sum, ut nullo utar, nec modico reficiar ad delectationem, sed ad necessitatem.

Lingua dolosa : Hæc omnia dicta tua confundit Salomon, ubi dicit, bonum sibi videri, ut comedat quis, et bibat, et fruatur lætitia de labore suo.

B Amor Dei : Sed intelligis in hoc loco sacramentum Dei mei, scilicet panis et vini, quo sacerdotes Dei quotidie in altari reficiuntur ? Nihil est melius, quam ut probet se unusquisque, et sic de pane illo edat, et de calice hibat, ut sic sumat sacramentum, ut non fiat ei acrius tormentum ; ut non sumat illud ad perniciem, sed ad salutem.

Lingua dolosa : Ego de simplici refectione corporis, non animæ hoc eum dixisse intelligo.

Amer Dei : In hoc a te non multum dissentio ; sed id perpendere te volo, in eodem libro, in quo hæc dicit, multa eum ex infirmantium persona intulisse, sed de domo luctus et convictus ex ratione definitio. *In codice ms. hic aliquid deest.*

Amor Dei : Nobilitas generis parvi pendenda est sine nobilitate mentis. Nobilitas morum plus ornat quam genitor.

C Lingua dolosa : Quomodo potes voluntatem tuam subdere voluntati alterius ?

Amor Dei : Quia illum imitari desidero, cui una cum Patre voluntas est, qui ut exemplum nobis frangendæ voluntatis tribueret, ait : *Non veni facere voluntatem meam, sed ejus, qui misit me* (*Joan. vi*), Patris ; qui etiam parentibus suis subdi non dengabatur.

D Lingua dolosa : Cui relinquis divitias tuas ?

Amor Dei : Illi, qui datus est, pro caducis dīvitias permansuras, pro perituris et temporalibus æternas. *Thesauri utique non prosunt in die ultionis; justitia vero liberabit a morte* (*Prov. xi*)

Lingua dolosa : Magnam in quibusdam religiosis considero stultitiam, qui tantis jejuniis, vigiliis, contumeliis et interdum mannum laboribus se afficiunt, ut vix perdurare valeant, cum sciant Scripturam Dei tui, considerantes, quod prædestinati ad vitam salvabuntur, præsciti ad poenam damnabuntur.

Amor Dei : Qui scrutator est majestatis, opprimitur a gloria (*Prov. xv*). Sed mel inveni, comedere debeo, quod sufficit mibi. Quoniam non considero, quod quidam ethnicus ait : *Quærimus arcana Dei, cœlumque inquirere quid sit*. Debes ergo sapere ad sobrietatem, et Dei mei judicia, quæ non possum perscrutari, debeo venerari. Scio enim quod occulta sint justa, et juste occulta. Quod si idcirco in pigratiam resolvi debeo, quia Dei mei judicia ignore ;

similiter, omni periculo mortis temporalis me sub- jicere possum. Quantumlibet enim præcaveam, ne moriar, constitutos tamen mortis terminos præterire non valeo. Hoc autem considerare me decet, quod prædestinatio precibus impletur. Nam obtineri precibus non possunt, quæ prædestinata non sunt. Sed ipsa perennis regni prædestinatio ita ab omnipotente Deo disposita est, ut electi ad hoc perveriant, quatenus orando mereantur accipere, quod eis omnipotens Deus ante sæcula disposuit donare.

Lingua dolosa : Quid prodest in claustro psalmos canere, et vitiis innumeris subjacere ? Nam cum a voce vita non discordat, cum vox vitam non remordet, dulcis est symphonia.

Amor Dei : Vide, quæso, exempla multorum, imo pene totius orbis partes in hæc studia declinasse. Et qua fronte, quo corde, quo impudentia, quo insipientia reprehendis, quod cuncti contemplationi dediti aut faciunt, aut laudibus efferunt? Quod autem dicis dulcem esse symphoniam, cum vox vitam non remordet; assehsum porrigo, nec tamen consequens esse concedo, ut ob hanc causam prætermittatur psalmodia. Si etiam propter quoruundam perversam intentionem dicis omittendum esse psalmorum officium, grandis te sequitur absurditas, ut dicatur contra te, orationes, jejunia, eleemosynas, prædicationes et cætera bona opera fore deserenda, quia hæc omnia interdum sunt intentione perversa, nec ullum opus est tam sanctum, quod prædicto nævo aliquando non sit infectum. Dico ergo, imo Deus meus per quamdam Romanorum et totius mundi lucernam dixit: *Vox psalmodiarum, cum per intentionem cordis agitur, per hanc tunc omnipotenti Deo ad coiter paratur, ut intentæ menti vel propheticæ mysteria, vel compunctionis gratiam infundat.*

Lingua dolosa : De hac lucerna non curio; sed hoc dico: quod Dei tui Apostolus ait ad quosdam, ut cantarent in cordibus suis Domino.

Amor Dei : Si tantum in corde cantandum est, quid est quod ipse de psalmis et hymnis commonefecit, et quod Psalmographus sæpius nos ad cantandum monuit? Sic utique foris verba debent personare, ut corda intrinsecus ad compunctionem utiliter concutiantur, et intentio nostra in cœlesti Jerusalem sit suspensa.

Lingua dolosa : Quid prodest distincie et tractim in cantu et lectione quedam verba proferre?

Amor Dei : Si distincte verba proferuntur, melius intelliguntur, et acrius cordi inseruntur. Vide, quæso, quid in Veteri Testamento legitur, quod volumen legis distincte ac ad intelligendum populo Judæorum legebatur. Quod ergo ibi factum est in cœtu Judæorum, nunc fieri debet in congregatione monachorum, ut suavi modulatione cor triste demuleatur, et sæculi tristitia, quæ mortem operatur, psalmodiæ dulcedine depellatur, animusque spirituali gaudio suffundatur, ut post letitiam spei se- quatur lætitia rei.

Lingua dolosa : Illoc omnes deterrere debet ad

A monasticum ordinem accedere volentes quod cunctos cœnobitas neverunt murmure corrupti, detracti- nibus infici, litibus dissociari.

Amor Dei : Non omnes, sed quidam in iis. Alii vero instant lectioni, ut erudiantur; orationi ut purificantur; operi, ut beatificantur. Et cum alii murmure seu detractione se inficiunt, isti se vicaria collatione resciunt, præceptis Dominicis excitant, exemplis sanctorum Patrum inflammant, et sic juxta Salomonem ferrum ferro exacuitur (*Prov. xxvii*); dum homo faciem amici sui exacuit, quia sic vivis sermonibus se invicem incitauit, ut ad lectionem avi- diores recurrent.

Lingua dolosa : Si quis pensaret, quantum vitium lis esset, nunquam ad sæpius dictos hypoeritas se transferret.

Amor Dei : Dic quam magnum sit hoc vitium.

Lingua dolosa : Libentissime in hoc tibi acquiesco: pensa verba mea. Lis est homicidii exordium, suscitatio scandalorum, perturbatio ecclesiastice con- suetudinis, contemptus dominicæ imitationis.

Amor Dei : Nunc etiam intueor diligentius, quod sermo tuus ut cancer serpit et lethale virus incautis infundit. Dic, quæso, dic, quæso: quomodo est lis homicidis exordium?

Lingua dolosa : Quia per litigia suscitatur odia. Qui autem odit fratrem suum, homicida est (*Joan. ii*), juxta quod Apostolus Dei tui ait.

Amor Dei : Quomodo est suscitatio scandalorum?

Lingua dolosa : Quia per lites crebro scandaliza- tur. Multi enim scandalizantur, cum qua- runt in eis, quos sæpius dixi, fructus dilectionis, et inveniunt spinas dissensionis.

Amor Dei : Dei mei cultores studiosi et puri, in quantum possunt, scandalum devitant, et cum omnibus hominibus, si fieri potest, pacem conservant. Hanc autem regulam a Deo meo sumunt, quod apud duricordes interdum scandalum oriri permittunt. Nam si de veritate scandalum sumitur, utilius nasci per- mittitur, quam ut veritas relinquatur. Nunc resera mihi, quomodo sit lis perturbatio ecclesiastice con- suetudinis.

Lingua dolosa : Lege Dei tui Apostolum, qui ait: *Si quis autem videtur contentiosus esse, nos ta- lem consuetudinem non habemus, neque Ecclesia Dei (1 Cor. xi).*

Amor Dei : Dic tandem, quomodo sit contemptus dominicæ imitationis?

Lingua dolosa : Vide an non in propheta Dei tui scriptum sit de Deo tuo, quod non contendet, neque clamabit (*Matth. xii*). Qui ergo litibus se scindunt, non sunt Dei tui imitatores, sed contemptores.

Amor Dei : Non omnes hoc vitio sunt infecti, sed quidam claustralium charitatis ardore sunt suc- cesi, cum Deus meus per se et alios eam sæpius commendet, in cuius præceptis legem et prophetas pendere dicit. Et Dei mei Apostolus ait facultatum distributionem, et corporis exustionem sine ea non prodesse. Nunc autem de perfecta mibi potissimum

loqui libet. Ipsa etiam est contemptrix vitæ temporalis, connexio multitudinis, velamen reatus, signum cœlestis discipulatus.

Lingua dolosa: Dic, quomodo sit contemptrix vitæ temporalis.

Amor Dei: Considera, quomodo Dei mei Apostolus charitate prædictus ait: *Cupio dissolvi, et esse cum Christo* (*Phil. 1*). Et Deus meus per se ait: *Majorem charitatem nemo habet, quam ut animam suam ponat quis pro amicis suis* (*Joan. xv*).

Lingua dolosa: Hoc pande, quomodo sit connexio multitudinis.

Amor Dei: Retorque mentis tuæ oculos ad primordia sanctæ Ecclesiæ, ubi multitudinis credentium erat cor unum et anima una (*Act. iv*), et vide quomodo multitudo in unum connectebatur, quæ sibi met in quadam suavi, et laudabili concordia jungebatur.

Lingua dolosa: Quomodo est velamen reatus?

Amor Dei: Quia ut dicitur: *Charitas operit multititudinem peccatorum* (*Jac. v*). Et alibi dicitur, quod *universa delicta operit charitas* (*Prov. x*). Scio ipsam

A esse vestem nuptialem, quæ a nobis plenius erat frigus infidelitatis. Qua ueste ille caruit, qui in tebras exterioreas mitti meruit.

Lingua dolosa: Quomodo charitas est signum cœlestis discipulatus?

Amor Dei: Deus meus non ait discipulis suis, quod in illuminatione cœcorum, mundatione leprosorum, suscitate mortuorum, sui agnoscerentur esse discipuli. Sed ait: *In hoc cognoscent omnes, quia mei estis discipuli, si dilectionem habueritis ad invicem* (*Joan. xiii*). Ipsa charitas est perfectionis vinculum, quia omne opus a tentatione cito dissolvitur, si non per charitatem ligatur.

Lingua dolosa: Tædet me sermonis tui.

Amor Dei: Gratias ago Deo meo, quod aliquantulum versutiae tuæ sopitæ sint: modo siles, modo victa jaces, quia te loqui non tantum tædet, sed etiam pudet. Et

..... *Jam victa jacebis,*
Nec jam mortiferas audebis spargere flamas,
Lingua dolosa cadit, quam sanctus amor superavit.
Christum collaudet, qui post hæc prælia gaudet.

ANONYMI BENEDICTINI

Qui sub Friderico Barbarossa imperatore scripsit

IN SIGNIS LIBER DE PÆNITENTIA

ET

TENTATIONIBUS RELIGIOSORUM.

(D. Bern. PEZIUS, *Biblioth. ascet.*, t. II, p. 4, ex ms. cod. bibliothecæ Mellicensis.)

MONITUM.

Et alterum hoc *Bibliotheca Ascetica Antiquo-novæ* volumen ab Anonymo ausp. cor., cuius præter ætatem et ordinem, quem Benedictinum fuisse ex cap. 25 sat liquidum arbitror, reliqua prope omnia obscura incertaque sunt. Imo ex cap. 32 videtur auctor data opera nomen suum velasse, ubi contra obrectatores suos id sibi solatio futurum existimat, quod personam auctoris ignorant. Forte tamen id negati posset, si alter ejusdem libellus, quem *Tristitiarum, quæ secundum Deum sunt*, inscripsit, et infra cap. 10 ipse landat, exstaret: nisi et ab hoc nomen suum abesse voluerit, quod vehementer suspicor ex insigni quodam opusculo *De conscientia*, quod hujus nostri Anonymi stylum, methodum, ingenium et ætatem ex asse refert, atque adeo vix alium quam euudem auctorem habet. Porro id his verbis concludit: *Verumtamen absconde epistolam vel librum, si sic magis eligis nominari; vel si propalare decreveris, tace nomen auctoris. Novit Auctor salutis, cui soli omnis honor et gloria, etc.* Ut adeo universum auctori propositum fuisse videatur, editis a se libellis vel modestiæ, vel declinandæ invidiæ causa nomen suum subducere. Opusculum hoc posterius laudatum *De conscientia* (5), proxime in lucem efferendum, in codice membraneo bibliothecæ Mellicensis, a me lit. K, num. 32, insignito asservatur. Auctorem editi hic opusculi floruisse sub Friderico Barbarossa planissimum est ex cap. 59, ubi exstat illius rhythmus aduersus monachos qui in expeditione sacra, a Friderico imperatore in terram sanctam anno 1189 suscepisti, voti et officii sui obliti, spiritu seductoris decepti, iter illud aggredientes, armis, ut laici, pugnare parabant. Habetur hic libellus in duobus chartaceis codicibus bibliothecæ Mellicensis, quorum prior lit. G,

(5) Exstat infra.